

Xag doogisa xaagu

01/01/2010

Qasa Badih Qafarih Ximokraasih Massoynah gaadule janwaarih alsak 01/2010 bilok Jumqatti barih dibro Eretriyak ayroh culma dariifak **Sorona** magaalak baxsa le migaaqah **kirmet** deqsittah yan maqaskaral nokteh sugeth tan shaqbiyyah silliyak (39) kifle saraawitik (12) guma maaqo yekkeh yanim kee 18 mano kee rabak fanal edde raaqeh yanim Qasa Badih Qafarih Ximokraasih Massoynak qandeh exxah xaagi nummayse.

Tama xaagi elle qaddoyseh yan innal mango saaqootah kul kee kallac illacabol nigaadule immidih elle timmideh tan shaqbiyyah silliyak rabteemiiy, xaaguqal raqteemiiy, yibaw yoo-eyyeq inteh kuddem abeeniik illacabol maysattaka edde tekkeh tan maqaskar mago saaqootah gabat luk sugeeniik illacabol tama maqskaral sugteh tan qandeh uwwaytuuy, rudasak migit tan rudas mabbaxaay, dayli diwaawu ayyaaquk tama maqaskar gira maaqo abeenih cabeeniik illacabol Fidah rabenno xagnakkah maknu hinnaay, ni-baaxo niimi goorikkah cabin hinna axcuk akak gaadeenih yanin isinni guub yendebbeenih yaniinim qaddowte.

Tama xaagut maxxena le xaaguh kaaduuy Ayroh culma rasuk xaalambasa magaalak baxsa le migaaqah khokobay deqsitta makaftal sugteh tan shaqbiyyah silliyak namma (2) maqaskaral nokteh sugteh tan (13) kifle saraawitiiy, (2) birgeediiy, 1 batalooni kee (2ht) battaloonil barak gimo orobak (12) akeera orbiseenih yaniinim kee (20) takkem dayla sinnih yan xaaguqal cabeenih yaniinim kee tama namma maqskar cararisak (2) kalaashiniiy, mango ixma leh tan qandeh uwwaytu boyliyak gaadule xaylo gaadeleeh kaaddek boyla baahele axcuk gaadu akak ugseenih yanin gub yendebbeenih yaniinim nummawte.

Qasa badih qafarih ximokraasih massoynah gaadule tama maysattaka edde abteh tanim (2010) bilo kinnih tanim kee cabaaru kee boyli xaganat ken qammaalak sugteh tan ummattah ayti doogisak shaqbiyyak illacabo numul canteelay ramad kaxxa iyyam kee fanah ugseenih yanin gaaduk salac ane waah yanim qaddoysak gaadu kee giba waqinal anuk shaqbiyyah jeneraalitte kee fanat gexak boyla cabaari ammaggelem diggosna.

Qasa Badih Qafarih Ximokraasih Massoyna Qasa Badih Ummatta isi amoh xin isih madqitak ila-baxsa fan intah tan ummattah essero ceelo gacsa geytam kee fanah Eretriyak mawqak qimmiseh tan shaqbiyyah cabaaruh ayro culama fanah gaadak Eretriyal ximokraasih ceelooy, inki gid akkiyyaay, agat kee agattiinah essero shaqbiyya akah inatanna hinnay abtol asak ummatta isi rasih gaddat elle faxxinnal affoofak ummatta gadda ummatta gabaak xagaanamal taamineh tan sadi massoynaanilluk faxximmi intah tan fida mekeltuh Qasa Badih Qafarih Ximokraasih massoyna Qagitak diggossa.

Kacantooli kee naqabtooli inkih asmiteh meqeemih Qasa badih Qafarih Ximokraasih Massoyna xagana akah culteh tan ummattah essero madma guftam kee fanah tikyah salac kee qaduwwi cabaaruk widirih inkinnah axce waytu waytah tanim nummassa.

Qasa Badih Qafarih Ximokraasih massoyna Qasa Badih ummattal xukko arbaqo yeymeeqen gileh innal tabbixeh tan shaqniyyah miroctih saduh gexissah tan maysattakookit ummattak sarriimaane kibaalah sugteh tan giclo aba fidah acayuk shaqbiyyah miroctiy neeksah cayla lem matanaay, 30 liggida carbik abak raaglino intak reeda karma unxuxxa boohah gide gacisak akkal elle loonuh yanin silliyah adoytiitik boyliyaanam kee cabaarisaanam abak geytimaanam baad ummatta lekkel buun amoh walal yekkeh yan RSADo giclo abah abina kinni.

Qasa Badih Qafarih Ximokraasih Massoyna Qasa Badih Qafarih
Ummatta Rasi addal yanoonu iro rasittel yanoonu elle aninnaan
ikkel shaqbiyyah qaxo ummatta edde tabbixeh tan xukko halangih
digaalak tawquh tama buttah saduh coori fidaa kee qaafiyat nadot
geytintah tan Qasa Badih Qafarih Ximokraasih Massoynah giclo
abah migdi caray akkuk giclok isinnih duudaanah yanin exxat
soloaduh seeco tatrussa.